

კვლევითი  
ინსტიტუტი  
Gnomon Wise




კავკასიის ეკონომიკის ყოველთვიური  
მიმოხილვა  
იანვარი 2025





## ეკონომიკური ზრდა



**2023 წელს კავკასიის ეკონომიკის ზრდა 4.4%-ია. 2022 წელს კავკასიის ზრდა 7.8%-ს აღწევდა. 2023 წელს ეკონომიკური ზრდის ტემპის კლება, რუსეთიდან ადამიანური და ფინანსური კაპიტალის ნაკადების შემცირებასა და, წინა წელთან შედარებით, ნავთობის დაბალ ფასებს უკავშირდება. გასული წლის იანვარ-ნოემბერში ზრდამ 6.5% შეადგინა.**


**🇬🇪** 2023 წელს საქართველოს ეკონომიკა 7.5%-ით გაიზარდა. გასული წლის პირველ თერთმეტ თვეში ეკონომიკურმა ზრდამ 9.4% შეადგინა. ზრდამი მნიშვნელოვანი წვლილი ტელეკომუნიკაციების და ტრანსპორტის სექტორებმა შეიტანა. კლება დაფიქსირდა დამამუშავებელ მრეწველობაში.

**🇦🇲** 2023 წელს სომხეთის ეკონომიკა 9.8%-ით გაიზარდა. 2024 წლის იანვარ-ნოემბერში, წინა წლის იმავე პერიოდთან შედარებით, ეკონომიკა 7.4%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 18%-ით მოიმატა, სამშენებლო დარგმა კი - 14.9% -ით.

**🇦🇷** რეგიონში ზრდის ყველაზე დაბალი ტემპი აზერბაიჯანში დაფიქსირდა. 2023 წელს აზერბაიჯანის ეკონომიკა 1.1%-ით გაიზარდა. გასული წლის პირველ თერთმეტ თვეში ზრდამ 4.1% შეადგინა. აზერბაიჯანის ეკონომიკის 33.6%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 6.4% შეადგინა.



## ინფლაცია და მონეტარული პოლიტიკა



**ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.**

✚ 2023 წელს საქართველოში ინფლაციის ტემპი, წინა წელთან შედარებით, შემცირდა. 2024 წლის დეკემბერში სამომხმარებლო ფასების წლიურმა ზრდამ 1.9% შეადგინა. დეკემბრის ინფლაციაში მაღალი წვლილი სტუმარ-მასპინძლობის სექტორის ფასებმა შეიტანა, რომელიც 7.7% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 12.7%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇧🇪 რეგიონში ფასების დინამიკით სომხეთი გამოირჩეოდა. გასული წლის დეკემბერში სამომხმარებლო ფასების წლიური ზრდა 1.5% იყო. ყველაზე მაღალი, 7.8%-იანი ზრდა განათლების სექტორში დაფიქსირდა, ხოლო 2.6%-იანი კლება - ტანსაცმლის ფასებზე. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 7%-მდე შემცირდა.

🇦🇷 აზერბაიჯანში ინფლაცია აჩქარდა. 2024 წლის დეკემბერში სამომხმარებლო ფასების წლიურმა ზრდამ 4.9% შეადგინა. ნოემბერში ეს ნიშნული 4.4% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. დეკემბერში მიღებული გადაწყვეტილებით, პოლიტიკის განაკვეთი 7.25%-ზე შეინარჩუნდა.